

# Պ Ա Յ Մ Ա Ն Ա Գ Ի Ր

ՀՀՌ-ՄԱԾՁԲ-21/02

ԹՌ-2021/01

ք. Երևան

08"01.2021թ.

«Հայաստանի հանրային ռադիոընկերություն» ՓԲ ընկերությունն, այսուհետ՝ «Պատվիրատու», ի դեմս ընկերության գործադիր տնօրեն Գ. Խումարյանի, ով գործում է կանոնադրության հիման վրա, մի կողմից, և «Հայաստանի հեռուստատեսային և ռադիոհաղորդիչ ցանց» ՓԲ ընկերությունն, այսուհետ՝ «Կատարող», ի դեմս ընկերության գլխավոր տնօրեն Մ. Միլիտոնյանի, ով գործում է կանոնադրության հիման վրա, մյուս կողմից, հետագա համատեղ հիշատակմամբ՝ «Կողմեր», կնքեցին սույն պայմանագիրը, այսուհետ՝ «Պայմանագիր», հետևյալի մասին.

## **1. Պայմանագրի առարկան**

Կատարողը պարտավորվում է իր թվային ցանցի միջոցով իրականացնել Պատվիրատուի ռադիոձրագրի շուրջօրյա հեռարձակումը ՀՀ տարածքում, այսուհետ՝ «Ծառայություն», իսկ Պատվիրատուն պարտավորվում է վճարել Ծառայության համար:

## **2. Կողմերի իրավունքներն ու պարտականությունները**

2.1. Կատարողը պարտավոր է.

2.1.1. Ապահովել Պատվիրատուի ծրագրի որակյալ և անխափան հեռարձակում:

2.1.2. Պատվիրատուի հետ համաձայնեցնել տեխնիկական միջոցների կանխարգելիչ աշխատանքների ժամանակացույցը:

2.2. Կատարողն իրավունք ունի.

2.2.1. Կանխարգելիչ աշխատանքների իրականացման համար դադարեցնել տեխնիկական միջոցների աշխատանքը:

2.2.2. Առանց նախազգուշացման՝ մասնակի կամ ամբողջությամբ դադարեցնել Ծառայության մատուցումը, եթե Պատվիրատուն խախտում է սույն պայմանագրի 3.2. կետը:

2.3. Պատվիրատուն պարտավոր է.

2.3.1. Ապահովել հեռարձակման սույն պայմանագրով նախատեսված ծավալը:

2.3.2. Մատուցված Ծառայության համար վճարումը կատարել սույն պայմանագրի 3-րդ բաժնում սահմանված կարգով:

2.4. Պատվիրատուն իրավունք ունի.

2.4.1. Մշտական հսկողություն իրականացնել հեռարձակման որակի նկատմամբ:

2.4.2. Տեխնիկական միջոցների վերահսկիչ չափումներ իրականացնելու համար այցելել Կատարողի տեխնիկական ծառայություններ՝ պահպանելով այցելության սահմանված կարգը:

## **3. Պայմանագրի գինը և վճարման կարգը**

3.1. Պայմանագրի 1-ին կետում նշված Ծառայության համար ամսական պայմանագրային գին է սահմանվում 200 000 (երկու հարյուր հազար) դրամ, ներառյալ ԱԱՀ-ն:

Պայմանագրի 1-ին կետում նշված Ծառայության համար տարեկան պայմանագրային գին է սահմանվում 2 400,0 հազար (երկու միլիոն չորս հարյուր հազար) դրամ, ներառյալ ԱԱՀ-ն:

3.2. Պատվիրատուն իրեն մատուցած Ծառայության դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է յուրաքանչյուր ամիս, Կատարողի կողմից ներկայացրած հաշիվ-ապրանքագրի հիման վրա՝ 10 (տասը) աշխատանքային օրվա ընթացքում:

## **4. Կողմերի պատասխանատվությունը և դրանից ազատող հանգամանքները**

Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը Կողմերը չէին

կարող կանխատեսել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրի պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծելու պայմանագիրն՝ այդ մասին նախապես տեղյակ պահելով մյուս կողմին:

### 5. Պայմանագրի գործելու ժամկետը

5.1. Պայմանագիրն ուժի մեջ է մտնում 2021թվականի հունվարի 1-ից և գործում է մինչև 2021 թվականի դեկտեմբերի 31-ը: Սույն պայմանագրի դրույթները գործելու են 01.01.2021թ.ից:

5.2. Եթե մինչև Պայմանագրի գործողության ժամկետի ավարտը, Կողմերից ոչ մեկը, 1 (մեկ) ամիս առաջ, գրավոր չի հայտնում Պայմանագրի խզման իր ցանկության մասին, ապա Պայմանագրի գործողության ժամկետը երկարացվում է հերթական օրացուցային 1 (մեկ) տարով: Նման եղանակով պայմանագրի գործողության ժամկետի երկարացումը չի սահմանափակվում:

### 6. Եզրափակիչ դրույթներ

6.1. Պայմանագիրը կարող է փոփոխվել և լրացվել Կողմերի համաձայնությամբ: Ցանկացած փոփոխություն և լրացում վավեր է, եթե դրանք կատարված են գրավոր և ստորագրված՝ Կողմերի լիազոր ներկայացուցիչների կողմից:

6.2. Կատարողը պատասխանատվություն չի կրում Պատվիրատուի ռադիոձրագրի բովանդակության համար:

6.3. Պայմանագրի գործողությունը կարող է դադարեցվել Կողմերի համաձայնությամբ՝ ցանկացած ժամկետում կամ Կողմերից մեկի նախաձեռնությամբ՝ 1 (մեկ) ամիս առաջ տեղյակ պահելով մյուս կողմին:

6.4. Պայմանագիրը և Կողմերի միջև ամբողջ տեղեկատվությունը համարվում է գաղտնի և Կողմերը պայմանավորվում են չբացահայտել, չտարածել, չտպագրել և չտրամադրել երրորդ կողմի՝ նախապես չստանալով մյուս կողմի գրավոր թույլտվությունը՝ բացառությամբ ՀՀ օրենսդրությամբ նախատեսված դեպքերի:

6.5. Պայմանագրի վերաբերյալ կամ նրա շուրջն առաջացած վեճերը լուծվում են բանակցությունների միջոցով: Համաձայնության չգալու դեպքում՝ վիճելի հարցերը կարգավորվում են ՀՀ գործող օրենսդրությամբ սահմանված կարգով:

6.6. Կողմերի անվանման, գտնվելու վայրի, բանկային վավերապայմանների փոփոխման կամ վերակազմավորման դեպքում նրանք պարտավոր են միմյանց գրավոր տեղեկացնել տեղի ունեցած փոփոխությունների մասին երկշաբաթյա ժամկետում:

6.7. Պայմանագիրը կնքված է հայերեն լեզվով, 2 (երկու) իրավահամազոր օրինակից՝ մեկական օրինակ Կողմերից յուրաքանչյուրի մոտ:

6.8. Կատարողի առաջին իսկ պահանջով կողմը (պատվիրատուն) պարտավոր է ներկայացնել նախապես հայտարարված թվային ցանցով հանրապետական սփռում իրականացնելու իր իրավունքը հավաստող փաստաթուղթը:

### 7. Կողմերի հասցեները, բանկային վավերապայմանները և ստորագրությունները

#### Պատվիրատու

ք. Երևան, Ալեք Մանուկյան 5  
ԱԿԲԱ Կրեդիտ Ագրիկոլ Բանկ ՓԲԸ  
ՀՀ 220553334321000  
ՀՎՀՀ 01541435

Պատվիրատուի կողմից

Գ. Խումարյան

#### Կատարող

ք. Երևան, Լոռք, Գ. Հովսեփյան 95  
«Արևիկա» ՓԲԸ  
ՀՀ 1570027609970100  
ՀՎՀՀ 01501898

Կատարողի կողմից

Մ. Միլիպոնյան

